

2024 yil 15 avgustdagi
Bosh kelishuvga ilova

OMMAVIY OFERTA

Onlayn kreditlarni sug'urta qilish bo'yicha

Mazkur ommaviy oferta jismoniy shaxslarga «Agrobank» ATB va uning filiallari tomonidan onlayn ravishda ajratiladigan kreditlarning ta'minoti sifatida sug'urtalash taklifi bo'lib hisoblanadi. (FKning 367-moddasiga muvofiq)

Fuqaro mazkur taklifda ko'zda tutilgan hatti-harakatlarni amalga oshirgan (akseptlangan) paytdan boshlab, « » sug'urta kompaniyasi Aksiyadorlik jamiyati (keyingi o'rinlarda – sug'urtalovchi), sug'urta qildiruvchi va fuqaro (keyingi o'rinlarda - Qarz oluvchi)lar o'rtasida shartnoma tuzilgan hisoblanadi hamda Qarz oluvchi mazkur ommaviy oferta shartnomasining barcha shartlarini istisno qilmagan holda so'zsiz qabul qilganligini anglatadi.

Ushbu sug'urta turi ixtiyoriy bo'lib, sug'urtalash sug'urta mukofotini to'lash orqali amalga oshiriladi.

1. Ofertada qo'llaniladigan atamalar va ta'riflar:

Sug'urtalovchi – mazkur oferta shartlari bo'yicha sug'urta to'lovini amalga oshirish majburiyatini qabul qiluvchi «sug'urta-kompaniyasi» SK AJ bo'lib, u o'z faoliyatini O'z. Res. qonun hujjatlariga muvofiq amalga oshiradi.

Sug'urta qildiruvchi – mazkur ofertada taraf sifatida ishtirok etuvchi va sug'urtalovchi bilan aniq sug'urta munosabatlariga kirishuvchi hamda mulkiy naf oluvchi «Agrobank» ATB va uning filiallari, bank xizmatlarini ko'rsatuvchi markazlari va sotuv nuqtalari.

Qarz oluvchi – «Agrobank» ATB va uning filiallarida ish xaqi loyihasi ishtirokchisi bo'lgan yuridik shaxslarning xodimlari bo'lgan fuqarolik layoqatiga ega, O'zbekiston Respublikasi hududida doimiy yashovchi, shuningdek o'z faoliyati natijasida daromad, nafaqa va boshqa daromad manbaiga ega hamda tijorat bankining kredit kartasi orqali kredit oluvchi jismoniy shaxs.

Mehnat qobiliyatining yo'qolishi – qarz oluvchi jismoniy shaxsning doimiy mehnatga layoqatining to'liq yo'qotishi (har qanday turdagi mehnat faoliyati bilan shug'ullanish imkoniyatining yo'qotilishi 1-2-gurux nogironligi) va/yoki baxtsiz hodisa natijasidagi o'limi.

Kredit shartnomasi – Sug'urta qildiruvchi va Qarz oluvchi o'rtasida qaytaruvchanlik, foizlilik, ta'minlanganlik va muddatlilik shartlari asosida pul mablag'larini ajratish maqsadida onlayn rasmiylashtiriladigan hujjat (ommaviy oferta);

Sug'urta hodisasi - xaqiqatda sodir bo'lgan hodisa bo'lib, u sodir bo'lganda, Sug'urtalovchining bevosita ushbu shartnomada keltirilgan shartlar asosida Sug'urta qildiruvchi/Naf oluvchiga sug'urta tovonini to'lash majburiyati yuzaga keladi.

Sug'urta puli – Sug'urta hodisasi sodir bo'lganda Sug'urtalovchi tomonidan Sug'urta qildiruvchiga to'lanadigan sug'urta qoplamasining eng yuqori miqdori.

Sug'urta mukofoti – mazkur ofertada belgilangan tartib va muddatlarda to'lanishi shart bo'lgan sug'urta uchun to'lov.

Sug'urta mukofoti Qarz oluvchi va/yoki qonunchilikda ta'qiqlanmagan shartlarda uchinchi shaxslar tomonidan to'lanishi mumkin.

Sug'urta qoplamasi – sug'urta hodisasi sodir bo'lganda Sug'urtalovchi tomonidan Sug'urta qildiruvchiga to'lanadigan pul mablag'lari.

Sug'urta polisi – Sug'urtalovchi tomonidan Sug'urta qildiruvchiga sug'urta mukofoti/sug'urta badalining to'liq to'langandan keyin beriladigan va Sug'urtalovchining mazkur Shartnoma bo'yicha majburiyatlari kuchga kirganligini tasdiqlovchi hujjat.

Oferta (ommaviy oferta) – shartnomaning barcha asosiy shartlarini o'z ichiga olgan, taklif kiritayotgan shaxsning javob qaytargan har qanday shaxs bilan taklifda ko'rsatilgan shartlar asosida shartnoma tuzishga bo'lgan xohish-irodasi bilinib turgan taklif.

Onlayn kreditlarni sug'urta qilish bo'yicha ommaviy oferta - sug'urtalashning barcha muhim shartlari va tartiblari o'zida aks ettirgan, cheklanmagan shaxslar bilan taklifda ko'rsatilgan shartlar asosida sug'urta shartnomasi tuzishga bo'lgan xohishini o'zida aks ettirgan taklif.

Zarar – Kredit qaytmaslik (14-klass) bo'yicha sug'urta hodisasi sodir bo'lganda Qarz oluvchining Sug'urta qildiruvchi oldidagi o'z majburiyatlarini to'liq yoki qisman bajarmasligi natijasida Sug'urta qildiruvchi ololmagan kreditning foiz va asosiy qarz mablag'lari. Majburiyat bajarilmaganligi yoki lozim darajada bajarilmaganligi yuzasidan hisoblangan penya va jarimaga nisbatan hech qanday javobgarlik olib borilmaydi. Zarar miqdori shartnoma shartlariga asosan aniqlanadi.

Zarar sanasi – Kutish davrining oxirgi kunidan keyingi birinchi kun;

Sug'urta muddati - sug'urta mukofoti o'z vaqtida to'lanishi sharti bilan sug'urta shartnomasi bo'yicha sug'urtalovchining majburiyatlari amalda bo'ladigan, sug'urta polisida yoki uning ilovasida aniq ko'rsatilgan vaqt oralig'i.

Kutish davri – Sug'urta hodisasi natijasida yuzaga kelgan har qanday zararni Sug'urtalovchi qoplashidan avval o'tishi kerak bo'lgan, to'lov sanasidan e'tiboran hisoblanadigan ketmaket kalendār kunlari soni. Mazkur sug'urta shartnomasi bo'yicha kutish davri polisda ko'rsatilgan muddatdan keyin oltmish bank ish kuni.

2. Sug'urta shartnomasining predmeti

2.1. Mazkur oferta orqali sug'urtalash shartlari va istisnolarga muvofiq, sug'urta mukofotini sug'urta shartnomasida ko'rsatilgan miqdor va muddatda to'lanilishi evaziga Sug'urtalovchi tomonidan sug'urta hodisalari bo'yicha sug'urta qoplamasini sug'urta qildiruvchiga belgilangan tartibda va miqdorda qoplash majburiyatini olinadi.

2.2. Sug'urta ob'ekti bo'lib kreditni so'ndirish bo'yicha majburiyatlarini bajarmasligi oqibatida Sug'urta qildiruvchining kredit shartnomasi bo'yicha yuzaga kelgan ziyonlar bilan bog'liq mulkiy manfaatlari hisoblanadi.


3. Sug'urta hodisasi

3.1. Mazkur Sug'urta shartnomasiga muvofiq Sug'urtalovchi quyidagi voqealar natijasida Sug'urta qildiruvchiga taqdim etgan kreditni qaytarish bo'yicha majburiyatlarni bajarmasligidan sug'urta himoyasini taqdim etadi.

Quyidagi yuzaga kelgan kelgan xolatlar sug'urta hodisasi hisoblanadi:

3.2. Qarzdorning qonunda belgilangan tartibda Sug'urta qildiruvchi oldidagi pullik majburiyatini bajarishga uning mehnat qobiliyatini yo'qotishi (1-2-gurux nogironligi) yoki o'limi oqibatida Sug'urta qildiruvchi/Naf oluvchiga ziyon etkazilishiga sabab bo'lsa;

3.3. kredit qarzdorligi sud tomonidan undirish belgilanganda qarzdorlik qaytarilmasligi (qoplanmasligi) sug'urta hodisasi hisoblanadi, bunda sug'urta qildiruvchi tomonidan qarzdorga nisbatan undirishning barcha choralari (qarzdorning undiruv qaratilishi mumkin bo'lgan mol-mulki mavjud bo'lmasligi va boshqalar) ko'rilishi lozim. Qarzdorning majburiyatini bajarish uchun mol-mulki etarli emasligi, davlat ijrochisining Qarzdordan qarzni undirish bo'yicha barcha choralari ko'rib, ijro xujjatini "Sud xujjatlari va boshqa organlar xujjatlarini ijro



etish to'g'risidag"gi Qonunning 40-moddasi, 3-bandi talablariga asosan, undiruvchiga qaytarish to'g'risidagi qarori bilan tasdiqlanadi.

3.4. Kredit shartnomasida ko'rsatilgan muddatda (qarzdorlikni qaytarishning oxirgi sanasida) kredit qarzdorligini qaytarilmasligi.

3.5. Mazkur bobda belgilangan shartlar bajarilishi yoki bajarilmasligidan qat'iy nazar Sug'urtalovchi o'zining huquqidan foydalangan holda sug'urta tovonini to'lab berish huquqiga ega.

4. Sug'urta hodisasidan istisnolar

4.1. Sug'urtalovchi quyidagi hollarda sug'urta qoplamasini to'lashni rad etishi mumkin:

-sug'urta hodisasi (aynan shu kredit shartnomasi bo'yicha) Sug'urta qildiruvchi va/yoki Qarz oluvchining sug'urta hodisasi yuzaga kelishiga yo'naltirilgan qasddan qilgan harakatlari yoki harakatsizligi oqibatida sodir bo'lsa (qasddan qilingan harakat yoki harakatsizlik sud qarori bilan tasdiqlanishi shart. Boshqa holatda bu qasddan qilingan harakat yoki harakatsizlik deb baholanmaydi).

4.2. Kreditdan foydalanganlik uchun jarimalar, penyalari va kredit shartnomasini bajarmaganlik uchun Qarz oluvchi zimmasiga hisoblangan boshqa mablag'lar, o'zgalar mablag'laridan foydalanganlik uchun foizlar, da'volar bo'yicha qoplamalar, to'lanmagan pullar bo'yicha qarzlarni undirish bilan bog'liq sud harajatlarga nisbatan Sug'urtalovchi javobgarlik olib bormaydi.

4.3. Sug'urtalovchi Sug'urta qildiruvchining quyidagi hatti-harakatlari natijasida ko'rigan yoki yuzaga kelgan zararlar uchun majburiyatlarni o'z zimmasiga olmaydi:

a) Qarzdor tomonidan kreditni maqsadsiz ishlatilgan holatlar, bunda sug'urta javobgarligi kreditning maqsadsiz ishlatilgan summasiga mutanosib ravishda kamaytiriladi (Mazkur holat ya'ni kredit mablag'ini to'liq yoki qisman maqsadsiz ishlatilganligi sud qarori yoki sudning hukmi bilan tasdiqlanishi shart. Boshqa holatlarda bu hodisa sug'urta shartnomasi bo'yicha istisno deb baholanmaydi).

4.4. Sug'urtalovchi quyidagi hollarda sug'urta qoplamasini to'lashni rad etishi mumkin:

4.4.1. zarar sug'urta shartnomasida ko'rsatilgan "sug'urta hodisasi" oqibatida vujudga kelmagan bo'lsa;

4.5. Sug'urtalovchi quyidagilar natijasida ko'rigan yoki yuzaga kelgan zararlar uchun majburiyatlarni o'z zimmasiga olmaydi:

4.5.1. Qarz oluvchidan tashqari, har qanday uchinchi tomonning to'lovga qobiliyatsizligi/ moliyaviy majburiyatlarini bajarmasligi;

4.5.2. sug'urtalovchi bilan yozma kelishmasdan sug'urta shartnomasining amal qilishi davrida, kreditning to'lov sanasini, muddatini, kredit shartnomasining boshqa shartlarini o'zgartirilishi.


5. Sug'urta puli, sug'urta mukofoti va sug'urta polisini berishi tartibi

5.1. Sug'urta puli sug'urta polisida ko'rsatib o'tiladi. Kredit qaytmaslik xavfi bo'yicha sug'urta pulining miqdori kredit summasining **120** foizidan ko'p bo'lmagan miqdorida belgilanadi.

5.2. Sug'urta mukofoti Qarz oluvchi yoki amaldagi qonunchilikka zid bo'lmagan tartibda uchinchi shaxslar tomonidan kredit ajratilishidan avval Sug'urtalovchining hisob raqamiga to'liq to'lanishi shart.

5.3. Sug'urta mukofoti sug'urta pulidan yillik **0,5** foiz miqdorida hisoblanadi;

5.4. Sug'urta polisi Qarz oluvchi tomonidan mazkur sug'urta shartnomasi akseptlanib, Sug'urta mukofoti to'liq to'langanidan hamda bank tomonidan taqdim etilgan ma'lumotga asosan taqdim etiladi.



Sug'urta polisi Sug'urtalovchining avtomatlashtirilgan axborot tizim orqali elektron ko'rinishda ham taqdim etilishi mumkin. Avtomatlashtirilgan axborot tizimi orqali elektron ko'rinishda taqdim etilgan sug'urta polisi bilan qog'oz ko'rinishida tasdiqlangan sug'urta polisi bir xil yuridik kuchga ega.

Sug'urtalovchi tomonidan elektron sug'urta polislar taqdim etilganidan so'ng, Sug'urta qildiruvchining talabiga ko'ra, har oyning 10, 20, 30 sanalarida elektron polislarining qog'oz ko'rinishida ham taqdim etiladi.

5.5. Sug'urta shartnomasi bo'yicha barcha hisob-kitoblar so'mda amalga oshiriladi.

5.6. Sug'urta qildiruvchi Sug'urtalovchiga avvaldan noto'g'ri ekanligi ma'lum bo'lgan axborotlarni taqdim etganligi aniqlangan holatlarda, to'langan sug'urta mukofotlari qaytarib berilmaydi.

5.7. Agar sug'urta polisida sug'urta puli va/yoki sug'urta mukofoti ushbu sug'urta shartnomasida belgilangan shartlardan farq qilsa, sug'urta polisida ko'rsatilgan miqdorlar qabul qilinadi.

6. Sug'urta shartnomasining kuchga kirishi va amal qilish muddati

6.1. Mazkur ommaviy oferta Qarz oluvchi tomonidan chakana.uz va Agrobankning boshqa mobil ilovalari yoki bank xamkorlarining ilovalari orqali elektron ravishda akseptlanganidan so'ng kuchga kiradi va taraflar o'z majburiyatlarini to'liq bajarilguniga qadar amalda bo'ladi.

6.2. Sug'urtalovchining Qarz oluvchi bo'yicha sug'urta qoplamasini to'lash yuzasidan javobgarligi sug'urta mukofoti to'liq to'langanidan so'ng boshlanadi va mazkur Qarz oluvchi yuzasidan berilgan sug'urta polisida ko'rsatilgan sug'urta muddati davomida amalda bo'ladi. Sug'urta mukofotining to'liq to'lanish sharti bilan sug'urta muddatining boshlanishi va tugashi kreditning ajratish va so'ndirish muddati bilan mutanosib bo'ladi.

6.3. Qarz oluvchi tomonidan ommaviy ofertani akseptlash quyidagilar hisoblanadi:

- shartnoma shartlarini Qarz oluvchi tomonidan boricha va to'liqligicha qabul qilish;
- o'zaro tushunmovchilik va nizolar vujudga kelganida taraflar shartnoma shartlariga tayanish huquqini beradi;
- shartnomadan dalil sifatida foydalanish imkoniyatini beradi;
- mazkur oferta va uning shartlari Fuqarolik kodeksining 367, 369, 370, 927-moddalariga asosan ishlab chiqilgan.

7. Sug'urta shartnomasining bekor qilish tartibi

7.1. Ushbu ommaviy Sug'urta shartnomasi amaldagi qonun hujjatlarida belgilangan tartibda bekor qilinadi.

7.2. Qarz oluvchi kredit shartnomasi bo'yicha o'z majburiyatlarini muddatidan avval to'liq bajarsa, Sug'urta qildiruvchining/Qarz oluvchining (Sug'urta qildiruvchining yozma roziligi bilan) talabiga ko'ra, to'langan sug'urta mukofotining qolgan qismi Qarz oluvchiga qaytariladi.

7.3. Sug'urta shartnomasi kredit ajratilmaganligi sababli, Sug'urta qildiruvchi/Qarz oluvchining talabiga binoan bekor qilinsa, to'langan sug'urta mukofoti Qarz oluvchiga to'liq qaytariladi.

7.4. Sug'urta qildiruvchi va/yoki Qarz oluvchi sug'urta shartnomasidan muddatidan oldin boshqa hollar sababli voz kechsa, Sug'urtalovchiga to'langan sug'urta mukofoti qaytarilmaydi.

8. Tomonlarning huquq va majburiyatlari

8.1. Sug'urta qildiruvchining huquqlari:

8.1.1. Sug'urtalovchidan sug'urtalash shartlarini bajarilishini talab qilishi va sug'urta shartlari bo'yicha har qanday tushuntirishlar olishi.

8.1.2. O'zbekiston Respublikasi qonun hujjatlari, sug'urtalash shartlarida ko'rsatilgan boshqa huquqlardan foydalanishi.

8.2. Sug'urta qildiruvchining majburiyatlari:

8.2.1. Sug'urtalovchi talabiga ko'ra, sug'urta mukofotini hisoblash uchun zarur bo'lgan barcha hujjatlarni taqdim etishi.

8.2.2. Sug'urta mukofotini sug'urtalash shartida belgilangan muddatlarda to'lanishini nazorat qilishi.

8.2.3. Sug'urta hodisa sodir bo'lgan vaqtdan boshlab, darhol har qanday holatda 30 (o'ttiz) ish kunidan kechiktirmasdan Sug'urtalovchini bu haqida xabardor qilishi shart.

8.2.4. Sug'urtalovchiga sug'urta hodisasi sodir bo'lishi tavsilotlarini o'rganishda, Qarz oluvchidan qarzni subrogasiya tartibida undirishda ko'maklashishi, xususan, Sug'urtalovchining talabiga muvofiq, Qarz oluvchi haqidagi ma'lumotlarni berishi, to'lov muddati o'tib ketgan qarzlarni undirish uchun zarur bo'lgan barcha hujjatlarni taqdim etishi.

8.2.5. Sug'urtalovchi sug'urta hodisasi sodir bo'lishi tavsilotlarini o'rganishda, Qarz oluvchidan qarzni subrogatsiya tartibida undirishda ko'maklashishi, xususan, Sug'urtalovchining talabiga muvofiq Qarz oluvchi haqidagi ma'lumotlarni berishi, to'lov muddati o'tib ketgan qarzlarni undirish uchun zarur bo'lgan barcha hujjatlarni taqdim etishi.

8.2.6. O'zbekiston Respublikasi qonun hujjatlarida va mazkur sug'urta shartnomasida ko'rsatilgan boshqa majburiyatlarni bajarishi shart.

8.3. Sug'urtalovchining huquqlari:

8.3.1. Quyidagi hollarda sug'urta qoplamasini to'lashni rad etishi:

a) agar Sug'urtalovchiga sug'urta qoplamasini olish uchun zarur hujjatlar hamda sug'urta hodisasi tavsifini aniqlash uchun barcha zarur ma'lumotlar taqdim etilmagan bo'lsa;

b) sug'urta polisi amal qilish davrida sug'urta qoplamasini olish talabi bilan murojaat qilmasa.

8.3.2. Sug'urta qaltisligi sodir bo'lganligi haqida xabar qilingan kundan boshlab «15 kalendar kuni» mobaynida zarur hujjatlar taqdim etilmaganda sug'urta da'vo ishini keyingi ish yurituvini to'xtatib turishi.

8.3.3. O'zbekiston Respublikasi qonun hujjatlari va Sug'urta shartnomasida nazarda tutilgan boshqa huquqlardan foydalanishi.

8.4. Sug'urtalovchining majburiyatlari:

8.4.1. Sug'urta polisini sug'urtalash shartlarida belgilangan muddatlarda berishi.

8.4.2. Sug'urtalash shartlariga muvofiq, sug'urta qoplamasi to'lovini o'z vaqtida amalga oshirish.

8.4.3. Sug'urta qildiruvchini va Qarz oluvchini sug'urta qoplamasi to'lovi rad etilganligi to'g'risida ular sug'urta qoplamasini olish talabi bilan murojaat qilgandan keyin 15 (o'n besh) kun ichida rad etish sabablari ko'rsatilgan holda yozma xabardor qilishi, unda rad javobining asoslangan sabablari ko'rsatilgan bo'lishi shart.

8.4.4. Sug'urta hodisasi sodir bo'lganda sug'urta da'vosini ko'rib chiqish uchun zarur bo'lgan barcha hujjatlar olingandan keyin va Sug'urta hodisasi to'g'risidagi dalolatnoma imzolangandan keyin 15 (o'n besh) bank kuni ichida sug'urta qoplamasi to'lovini amalga oshirishi.

8.4.5. O'zbekiston Respublikasi qonun hujjatlari va Sug'urta shartnomasida nazarda tutilgan boshqa majburiyatlarni ham bajarishi.

9. Sug'urta qoplamasining to'lash tartibi

9.1. Sug'urta shartnomasi shartlariga ko'ra, sug'urta hodisasi deb tan olinishini mumkin bo'lgan voqea sodir bo'lsa, Sug'urta qildiruvchi darhol, lekin voqea sodir bo'lganidan boshlab

30 (o'ttiz) kun ichida o'ziga ma'lum holatlar va sabablarni ko'rsatgan holda sug'urtalovchining yuridik manziliga yoki pochta manziliga yozma ravishda xabar berishi shart.

9.2. Sug'urta qoplamasi quyidagi tartibda qoplab beriladi:

Sug'urta to'voni Sug'urta qildiruvchiga sug'urta pulidan oshmagan miqdorda to'lanadi. Sug'urta to'voni miqdori haqiqatda olingan kredit miqdori va kreditning so'ndirish uchun yo'naltirilgan pul mablag'larini ayirib (chegirib) qolgan holda aniqlanadi (sug'urtalangan kredit mablag'iga mutanosib ravishda). 9.4. Sug'urta qoplamasini olish uchun Sug'urta qildiruvchi tomonidan Sug'urtalovchiga quyidagi hujjatlar taqdim etilishi lozim:

a) Sug'urta hodisasi sodir bo'lganda vujudga kelgan foiz qarzdorlik hamda muddati o'tgan asosiy qarzdorlik to'g'risidagi ma'lumotlarni o'zida aks ettirgan sug'urta qildiruvchining arizasi.

b) Kredit qarzdorligini undirish yuzasidan bank tomonidan (kredit qarzdorligi sud tartibida qarzdordan kredit qarzini undirishning barcha choralari mol-mulklariga qaratish bo'icha ijro xarakatlari natijasiz bo'lganligini tasdiqlovchi ijro xujjatlari, qarorlar va boshqalarni) qilingan harakatlarni tasdiqlovchi hujjatlar.

v) Vujudga kelgan qarzdorliklarni tasdiqlovchi, bank tomonidan tasdiqlangan bank hisobraqamlari aylanmasi (12505, 16377, 16309.....);

g) karzdorning baxtsiz hodisa yoxud biologik o'lim tufayli vafot etishi yoki I va II-guruh nogironligi (mehnatga layoqatsiz bo'lib qolishi)ni tasdiqlovchi xujjatlar.

d) Sug'urta hodisasini taqdiqlovchi boshqa xujjatlar.

Sug'urtalovchi yuqoridagi barcha hujjatlarni talab qilmasdan ham sug'urta da'vo ishini ko'rib chiqib, sug'urta qoplamasini to'lash huquqiga ega.

9.5. Sug'urtalovchi sug'urta hodisasi sodir bo'lganligini tan olgan taqdirda Sug'urtalovchi 3 (uch) bank ish kuni ichida Sug'urta hodisasi to'g'risidagi dalolatnomani tuzadi. Unda olingan barcha ma'lumotlar ko'rsatiladi va to'lanishi lozim bo'lgan sug'urta qoplamasining miqdori belgilanadi.

9.6. Sug'urta hodisasi to'g'risidagi dalolatnoma to'liq imzolangandan so'ng 5 (besh) bank kuni ichida sug'urta qoplamasi to'lanadi.

9.7. Kredit qaytmaslik bo'yicha Zarar qoplangandan keyin, Sug'urtalovchi Qarz oluvchiga yoki amaldagi qonun hujjatlariga muvofiq, har qanday boshqa shaxs va tashkilotga nisbatan regress bo'yicha barcha huquqlarga ega bo'ladi.

Sug'urta qildiruvchi barcha xujjatlarni rasmiylashtirishi va sug'urtalovchiga taqdim etishi hamda ushbu huquqlarni sug'urtalovchiga berishi shart.

9.8. Sug'urtalovchi tomonidan sug'urta qoplamasi qoplab berilganidan keyin, Sug'urta qildiruvchi zararni o'rnini qoplash uchun qo'lgan kiritgan har qanday manbalardan olingan pul mablag'larini, Qarz oluvchi to'lov jadvaliga ko'ra to'lanishi lozim bo'lgan to'lovlar (foiz qarzdorlik, asosiy qarzdorlik)ni sug'urta qoplamasi to'langanidan keyin amalga oshirsa, Sug'urta qildiruvchi 3 (uch) bank kuni ichida ushbu to'lovlarni sug'urta qoplamasi doirasida sug'urtalovchiga qaytarib berishi shart.

10. Tomonlarning javobgarligi

10.1. Tomonlar o'z zimmasiga olgan majburiyatlarni bajarmaganlik yoki lozim darajada bajarmaganlik uchun O'zbekiston Respublikasi qonun hujjatlariga muvofiq javobgardirlar.

10.2. Sug'urta shartnomasi bo'yicha o'z majburiyatlarini bajarmasliklari engib bo'lmas kuch (fors major) ta'sirida kelib chiqqan bo'lsa, tomonlar javobgarlikdan ozod bo'ladilar. Engib bo'lmas kuch ta'sirida bo'lgan tomon boshqa tomonni bunday shart-sharoit yuzaga kelganligi va qancha davom etishi mumkinligi to'g'risida xabardor qilishi shart.

11 BO'LIM. KORRUPSIYA GA QARSHI SHARTLAR

11.1. Sug'urta shartnomalar bo'yicha o'z majburiyatlarini bajarishda Tomonlar, har

qanday noqonuniy ustunlik yoki boshqa imtiyozlarni olish maqsadida, ularning affillangan shaxslari, xodimlari yoki vakillari ushbu shaxslarning harakatlari yoki qarorlariga ta'sir qilish uchun, har qanday shaxslarga haq to'lamaydilar, to'lashni taklif qilmaydilar va hech qanday pul mablag'lari yoki qimmatbaho buyumlarni to'lashga yo'l qo'ymaydilar.

11.2. Sug'urta shartnomalar bo'yicha o'z majburiyatlarini bajarishda Tomonlar, ularning affillangan shaxslari, xodimlari yoki vakillari, amaldagi qonunchilikka muvofiq pora berish va olish, tijoratda pora evaziga og'dirib olish, shuningdek jinoiy faoliyatdan olingan daromadlarni legallashtirishga, terrorizmni moliyalashtirishga qarshi kurashish to'g'risidagi qonunchilik talablarini va xalqaro hujjatlar talablarini buzadigan harakatlarni sodir etmaslik majburiyatini oladilar.

11.3. Agar Tomonlardan biri ushbu bandning har qanday qoidalarining buzilishi sodir bo'lgan yoki sodir bo'lishi mumkin deb gumon qilsa, tegishli tomon boshqa tomonni yozma ravishda xabardor qilish majburiyatini oladi. Yozma bildirishnomada tomon boshqa tomon, uning xodimlari yoki vositachilari tomonidan ushbu bandning har qanday qoidalarini buzilishi sodir bo'lgan yoki sodir bo'lishi mumkin bo'lganligini ishonchli tasdiqlovchi yoki ishontirish uchun asos bo'ladigan faktlarga havola qilishi yoki materiallarni taqdim qilishi kerak.

11.4. Agar Tomonlardan biri ushbu band qoidalarini buzsa, boshqa Tomon shartnomani bir tomonlama bekor qilish to'g'risida yozma bildirishnoma yuborish orqali shartnomani suddan tashqari bir tomonlama tartibda bekor qilishga haqli.

12. Nizolarni hal etish tartibi

Sug'urta shartnomasidan kelib chiquvchi yoki u bilan bog'liq bahslar, kelishmovchiliklar taraflar o'rtasida kelishuv yo'li bilan hal etiladi. Taraflar o'rtasidagi nizolar kelishuv yo'li bilan hal etilmaganda, nizolar amaldagi qonun hujjatlarida belgilangan tartibda vakolatli sudlarda ko'rib chiqiladi.

13. Boshqa shartlar

13.1. Mazkur shartnomaning bir yoki bir nechta sharti (bandlari) qonunga yoki sud qaroriga muvofiq o'z kuchini yo'qotsa, shartnomaning boshqa shartlari bekor bo'lishiga asos bo'lmaydi.

13.2. Tomonlarning ushbu sug'urta shartnomasida bayon etilmagan o'zaro munosabatlari O'zbekiston Respublikasining amaldagi qonun hujjatlari bilan tartibga solinadi.

14. TOMONLARNING YURIDIK MANZILLARI VA REKVIZITLARI

SUG'URTALOVCHI

Nomi: «MY-INSURANCE»

Yuridik manzili: O'zbekiston Respublikasi, Toshkent shahri, Mirobod tumani kichik Mirobod ko'chasi 95 uy

Rekvizitlar:

h/r: 2020 8000 1047 8606 6001

TIF Milliy bank "Sayoxat" BXM

MFO: 00450, STIR: 207 002 342

tel: 71 205 19 19

E-mail: info@myinsurance.uz

Web : www.myinsurance.uz

MIJOZ

F.I.SH.

Pasport seriya va raqami

JSHSHIR

